



Remaja ragut rantai ibu

2012/10/02 - 06:55:23 AM

Oleh Ravale Savarinathan

Teluk Intan: Akibat ketagihan dadah, seorang remaja sanggup meragut rantai leher ibunya selepas permintaan mendapatkan RM500 daripada wanita itu tidak dipenuhi, petang kelmarin.

Dalam kejadian jam 6 petang itu, ibu berusia 47 tahun yang juga suri rumah berasal dari Kampung Bahagia itu, enggan melayan permintaan anaknya berusia 19 tahun kerana bimbang wang itu digunakan untuk membeli dadah.

Ketua Polis Daerah Hilir Perak, Asisten Komisioner Goh Kok Liang, berkata suspek yang beberapa kali meminta wang sebanyak RM500 tetapi tidak diendahkan ibunya bertindak nekad merampas rantai emas itu sebelum melarikan diri.

Jamin anak kes dadah

Sebelum itu, pada 27 September lalu, wanita itu menjamin anaknya yang dituduh di mahkamah kerana kesalahan mengikut Akta Dadah Berbahaya 1952 bersama beberapa rakannya yang lain.

Suspek yang berada dalam jaminan mahkamah kini diburu pihak polis. Kes ini disiasat mengikut Seksyen 392 Kanun Keseksaan kerana melakukan samun. Sehingga kini belum ada sebarang tangkapan dibuat, katanya